

ջոցի առաջնորդէր Երուսաղէմացւոց Արհինիոս և ըստ այ-
լոց Հերակլիոս կամ Կիւրղոս անուն ոմն . սակայն հաւա-
տացեալքն առաջնորդեալք 'ի քաջ հովուէն իւրեանց ոչ
հանդարտէին այնպիսի չարաբարոյ աւագակաց , մինչեւ 'ի
դէպ իսկ է կարծել թէ հուսկ յետոյ Ակակիոս 'ի խնդրոյ
Ժողովրդեանն կացուցեալ իցէ առաջնորդ այնր աթոռոյ
ղծերունին Յուդա , որ հաւատաց 'ի Ժամանակս Գիւտի
Խաչին առ Հեղինեաւ եւ կոչի միւս Կիւրեղ իբրեւ ե-
պիսկոպոս Երուսաղէմի , որ և յետ սակաւուց նահատակե-
ցաւ հանդերձ մարբն 'ի Յուլիանոսէ , որպէս տեսցի զինի :

Իսկ Կոստանդինոս ապրեալ 'ի պատերազմէն Շապհոյ
Պարսից արքային , յանկարծ դարձաւ յետս և հասեալ 'ի
Տարսոն Կիւլիկեցւոց առ ոտամբ Տաւրոսի մեռաւ անդ 'ի
տէնդէ 'ի 45 ամաց հասակի և 'ի 25 ամի կայսերութեան
(3 Նոյեմբ. 361) , եւ մարմին նորա տարեալ 'ի Կոստան-
դինուպօլիս արկաւ 'ի շիրիմն կայսերական առ մարմնոյն
Կոստանդիանոս յեկեղեցի Առաքելոց :

Եւ յետ նորա ա'ւ միահեծան զտէրութիւնն Յուլիանոս
ուրացող 'ի 29 ամաց հասակի : Անդէն 'ի սկզբան 361 ամին
հրովարտակաւ յայտ արար զօրացն թէ՛ ապաստանեալ է
յօգնականութիւն դիցն անմահից . պատուականագոյն հա-
մարէր լինել մեծ քրմապետ հին կրօնից քան Օգոստոս .
և 'ի հրովարտակս իսկ հրամայէր կոչել զՔրիստոնեայս ան-
աստուած Գալիլեացիս , 'ի գլխաւոր դօրօշուէ զօրուն հան
զգիր անուանն Քրիստոսի , զոր Կոստանդիանոս եղեալ էր .
իսկ զայլն 'ի դօրօշուց զարդարէր դից և իւր պատկերօք :
Ջաւերեալ մեհեանս ետ կանգնել մեծաշուք ծախիւք
Քրիստոնէից : Ջամենայն առաւելութիւնս եկեղեցակա-
նաց , զոր Կոստանդիանոսի չնորհեալ էր , ա'ւ յետս : Յամե-
նայն պաշտամանց տէրութեանն 'ի բաց հան զՔրիստո-
նեայսն . առ 'ի ծաղր առնել զհաւատս Քրիստոնէից , ինքնին
գրեաց գիրս հակառակ Աւետարանին : Ժողովէր երբեմն
եպիսկոպոսունս յայլ և այլ կարծեաց հանդերձ Ժողովրդ-
դականօք յիւրում պալատան՝ զի վիճեացին , և 'ի սաստիկա-
նալ գթտութեանն՝ առաւել բորբոքէր զհակառակութիւնս
նոցա . դմին իրի տայր աղատութիւն դառնալոյ և եպիս-
կոպոսացն աքսորելոց 'ի Կոստանդեայ (362) : Եւ այնպէս